

張隱菴  
葉天士  
本草經註  
陳修園

輕城

R281.3  
19-3

本草三家合註目錄

本經上品

人參

甘草

黃芪

白朮

蒼朮附

薯蕷

石斛

酸棗仁

大棗

芡實

蓮實

蓮花

蓮蕊鬚附

蓮房附

蓮意附

荷葉附

荷鼻附

薏苡仁

大麻仁

巨勝子

赤箭

乾地黄

麥門冬

天門冬

葳蕤

牛膝

杜仲

枸杞

枸杞苗

地骨皮

枸杞子附

女貞實

五加皮

肉蓯蓉

巴戟天

五味子

蛇床子

覆盆子

菟絲子

沙參

澤瀉

菖蒲

遠志

細辛

柴胡

升麻

桂

羌活

防風

紫蘇

蘇子附

蘇枝附

橘皮

青橘皮附

橘核附

橘葉附

辛夷

木香

續斷

茯苓

桑根白皮

桑葉

桑枝附

桑椹附

桑花附

桑上寄生

桑寄生實

柏子仁

側柏葉附

松脂

松節附

松花附

茯苓

赤茯苓附

茯神附

茯苓皮附

神木附

蔓荊子

小荊實附

槐實

槐花附

槐枝附

槐葉附

槐膠附

乾漆

黃連

蒲黃

菊花

茵陳蒿

天名精

鶴蟲附

土牛膝附

石龍薊

車前子

冬葵子

地膚子

決明子

茺蔚子附

石鍾乳

丹砂

雲母

赤石脂

滑石

硝石

朴硝

礬石

石膽

鹿角

禹餘糧

太乙餘糧

空青

紫石英

白石英

龍骨

鹿茸

鹿角膠

鹿角

牛黃

阿膠

麝香

龜甲

牡蠣

桑螵蛸

蜂蜜

蜜蠟

本經中品

元參

丹參

紫參

白前根附

當歸

芍藥

芎藭

牡丹

地榆

紫草

澤蘭

茜草根

秦朮

防己

木通

葛根

葛穀附

葛花附

葛葉附

葛蔓附

麻黃

白芷

荊芥

貝母

蒼耳子

款冬花

紫苑

知母

括婁根

瞿麥

苦參

青蒿

石韋

海藻

水萍

萆薢

白茅根

狗脊

淫羊藿

紫葳

薤白

龍膽

黃芩

藁本

百合

乾薑 赤小豆 大豆黃卷 白皮 敗醬 白鮮根皮 蓼實 微銜 土瓜

厚朴 黃蘗 梔子 杏仁 桃仁 桃膠附 烏梅 枳實 枳殼

山茱萸 吳茱萸 猪苓 蕪荑 皂莢附 皂莢刺附 皂莢子附 肥皂莢附 秦皮

篳竹葉 竹瀝附 竹茹附 石膏 蔥石 石硫黃 陽起石 雄黃 雌黃附

水銀 鐵落 犀角 羚羊角 殺羊角 狢皮 蟹 蟹殼附 蝸牛

蚱蟬 蟬脫附 白殭蠶 原蠶沙附 樗雞 蟪蟲 蠶蟲 蛞蝓

露蜂房 烏賊魚骨 文蛤 髮髮 樗雞 蟪蟲 蠶蟲 蛞蝓

本經下品

附子 天雄 烏頭附 烏喙附 大黃 半夏 連翹 翹根 桔梗

白頭翁根 甘遂 天南星 大戟 澤漆 常山 蜀漆 葶藶子 葶花

芫花 篇蓄 商陸根 藜蘆 旋覆花 青柏 貫眾根 蛇含草 狼毒根

狼牙根 羊蹄根 羊躑躅花 瓜蒂 葇荑子 夏枯草 早休 白及根 白根

鬼臼 梓白皮 柳花 柳葉附 楊柳枝及根附 夏枯草 郁李仁 巴豆 雷丸

代赭石 鉛丹 鉛粉 戎鹽 石炭 天鼠矢 蝦蟆 蜈蚣 蚯蚓

蛇脫 斑蝥 蛻螂 螢火 衣魚 天鼠矢 蝦蟆 蜈蚣 蚯蚓

臨汾郭汝驄小陶集註  
天津袁浩養源閣定

宛平李佐堯小學校勸  
古吳俞慶棠東寧重校

本經上品

槐花氣味苦平無毒。主治五痔。心痛眼赤。殺腹藏虫。及皮膚風熱。腸風瀉血。赤白痢。

葉。天士曰。槐花氣平。稟天秋金之涼。氣入手太陰肺經。味苦無毒。得地南方之火。味入手少陰心經。氣味俱降。陰也。肺與大腸為表裡。五痔。大腸之火症也。槐花味苦清心。所以主之火。鬱于心則痛。氣平能清。味苦能瀉。所以主之也。眼赤肝有寔火也。寔則瀉其子。味苦清心。心乃肝之子也。腹大陰經行之地。藏即大腸肝之合。味苦可以殺虫。所以主之也。皮膚肺之合也。平能清風。苦能洩熱。所以主之。腸風下血。大腸火也。赤白痢。大腸濕熱也。味苦者能清。所以並炒研服也。

槐枝氣味苦平無毒。主治洗瘡。及陰囊下濕痒。八月斷大枝。候生嫩葉。煮汁釀酒。療大風痿痺。甚效。

槐葉氣味苦平無毒。主治煎湯。治小兒驚癇。壯熱。疥癬。及疔腫。皮莖同用。

槐膠氣味苦平無毒。主治一切風化。痰涎。清肝藏風。筋脈抽掣。及急風口禁。

乾漆氣味溫無毒。主治絕傷。補中續筋骨。通腦。安五藏。五緩六急。風寒濕痺。生漆去長虫。久服輕身耐老。

張隱庵曰。漆木生于西北。鑿取。滋汁而為漆。日曝則反潤。陰濕則易乾。如人胃府水穀所化之津液。奉心則化。赤為血。即日曝反潤之義也。入腎藏則凝結為精。則陰濕易乾之義也。乾漆氣味辛溫。先白後赤。生乾則黑。稟陽明金精之質。而上奉于心。以資經

脈。下交于腎。以凝精髓之藥也。主治絕傷。資經脈也。補中。陽明居中土也。續筋骨也。治絕傷。則筋骨亦可續也。填髓腦者。凝精髓也。陽明水穀之精。滋灌五藏。故安五藏。絕。緩拘掣。白急。皆不和之意。五藏不和。而弛縱。是為五緩。六府不和。而拘掣。是為六

急。五緩六急。乃風寒濕痺之証。故曰風寒濕痺也。素問痺論云。五藏皆有外合。六府亦各有俞。皮肌脈筋骨之痺。各以其時重感

于風寒濕之氣。則內舍五藏。五藏之痺。猶五緩也。風寒濕氣中其俞。而食飲應之。循俞而入。各舍其府。六府之痺。猶六急也。是五

緩六急。乃風寒濕痺也。生漆色白。屬金。金能制風。故生漆去長蟲。久服。則中土之精。四布。運行。故輕身耐老。

黃連味氣苦寒無毒。主治熱氣。目痛。皆傷泣。出明目。腸痔。腹痛。下痢。婦人陰中腫痛。久服。令人不忘。

張隱庵曰。黃連生于西蜀。味苦氣寒。稟少陰水陰之精。氣。主治熱氣者。水滋其火。陰濟其陽也。目痛。皆傷泣。出者。火熱上炎于目。

則目痛而皆肉傷皆傷則泣出又曰明目者申明治目痛皆傷泣出以其能明目也。腸澼者火熱內乘于陰。夫熱淫于內薄為腸澼。此熱傷陰分也。腹痛下痢者風寒暑濕之邪傷其經脉不能從肌湊而外出則下行腸胃致有腹痛下痢之證。黃連瀉火熱而養陰故治腸澼腹痛下痢婦人陰中腫痛者心火協相火而交感黃連苦寒內清火熱故治婦人陰中腫痛久服令人不忘者水精上滋瀉心火而養神則不忘也。大凡寒苦之藥多在中品下品惟黃連列于上品者陰中有陽能濟君火而養神也。少陰主水而君火在上故冬不落葉凡物有性寒熱溫清燥潤及五色五味五色五味以應五運寒熱溫清燥潤以應六氣是以上古司歲備物如少陰君火少陽相火司歲則備溫熱之藥太陽寒水司歲則備陰寒之藥厥陰風木司歲則備清涼之藥太陰濕土司歲則備甘潤之藥陽明燥金司歲則備辛燥之藥岐伯曰司歲備物得天地之專精非司歲備物則氣散也後世不能效上古之預備因加炮製以助其力如黃連水浸附于火炮即助寒水君火之義後人不體經義反以火炒黃連尿煮附子寒者熱之熱者寒之是制也非製也譬之鷹犬之力在於爪牙今求其爪縛其牙亦何貴乎鷹犬哉。

葉天士曰黃連氣寒稟天冬寒之水氣入足少陰腎經味苦無毒得地南方之火味入手少陰心經氣味俱降陰也。其主熱氣目痛也。心主火火氣熱心病舍肝肝開竅於目也黃連苦寒所以清火也手少陰之正脉出於面合目內眥手少陰為心火火盛則心系急而淚出皆傷者皆心火也黃連清心所以主之寔則瀉其子心者肝木之子也清心則肝邪瀉所以明目也。大腸為庚金之府心火乘之則津液化成膿血痛而下痢矣其主之者寒以清火苦以洩熱也北方黑色入通于腎開竅于二陰婦人陰中乃腎竅也熱勝則腫腫痛者火盛也黃連入腎寒若清火所以主之其久服令人不忘者入心清火火清則心明能記憶也。陳修園曰黃連氣寒稟天冬寒之水氣入足少陰腎經味苦無毒得地南方之火味入手少陰心經氣水而味火一物同俱故能除水火相亂而為濕熱之病其云主熱氣者除一切氣分之熱也目痛皆傷淚出不明皆濕熱在上之病腸澼腹痛下痢皆濕熱在中之病婦人陰中腫痛為濕熱在下之病黃連降濕熱所以主之久服令人不忘者若入心即能補心也然若為火之本味以其味之苦而補之而寒能勝火即以其氣之寒而瀉之千古唯仲景得本經之秘金匱治心氣不足而吐血者取之以補心傷寒寒熱互結心下而痞滿者取之以瀉心厥陰之熱氣撞心者合以烏梅下痢後重者合以白頭翁等法真信而好古之聖人也。

蒲黃氣味甘平無毒主治心腹膀胱寒熱利小便止血消瘀血久服輕身益氣力延年神仙。

張隱菴曰香蒲生於水中色黃味甘稟水土之真精而調理其氣血主治心腹膀胱寒熱利小便者蓋主氣之專精通調水道則心腹膀胱之寒熱俱從小便出而氣機調和矣止血消瘀血者稟水氣之專精生其肝木則止新血消瘀血而血脉調和矣久服

則水氣充足。土氣有餘。故輕身益氣。力延年神仙。

菊花氣味苦平無毒。主治諸風頭眩腫痛。目欲脫淚出。皮膚死肌。惡風濕痺。久服利血氣。輕身耐老延年。

張隱庵曰。菊花本經名節花。以其應重陽節候而華也。月令曰。九月菊有黃花。莖葉味苦。花味兼甘。色有黃白。稟陽明秋金之氣。化主。治諸風頭眩腫痛。稟金氣而制風也。目欲脫淚出。言風火上注于目。痛極欲脫而淚出。菊稟秋金清肅之氣。能治風木之火。熱也。皮膚死肌。惡風濕痺。言感惡風濕邪而成風濕之痺。證則為皮膚死肌。菊稟金氣而治皮膚之風。兼得陽明土氣而治肌肉之濕也。周身血氣生於陽明胃府。故久服利血氣。輕身血氣利而輕身。則耐老延年。

葉天士曰。菊花氣平。稟天秋平之金氣入手太陰肺經。味苦無毒。得南方之火。味入手少陰心經。氣味俱降。陰也。味苦清火。火抑金。勝發花于秋。其稟秋金之氣。獨全。故為制風木之上藥也。諸風皆屬於肝。肝脉連目。系上出額。與督脉會于顛。肝氣熾則火炎上攻頭腦。而眩火盛則腫而痛。其主之者。味苦可以清火。氣平可以制木也。肝開竅于目。風熾火炎。則目張欲脫。其主之者。制肝清火也。手少陰之正脉上走喉嚨。出於面。合目內眥。心為火。火盛則心火急而淚出。其主之者。苦平可以降火也。皮膚乃肺之合。肌肉乃脾之合。木火炎利肺金脾土。則皮膚肌肉皆死。菊花稟金氣具火味。故平木清火。而主皮膚死肌也。其主惡風濕痺者。風濕成痺。風統於肝。菊花氣平。有平肝之功。味苦有燥濕之力也。久服利血氣者。肺主氣。氣平益肺。所以有利於氣。心主血。所苦清心。所以有利於血。利於氣氣充。身自輕利於血。血旺。自耐老。氣血皆利。其延年也必矣。

陳修園曰。徐靈胎云。凡芳香之物。皆能治頭目肌表之疾。但香則無不辛燥者。惟菊花得天地秋金清肅之氣。而不甚燥烈。故於頭目風火之疾尤宜焉。

茵陳蒿氣味苦平微寒無毒。主治風濕寒熱。邪氣熱結黃疸。久服。輕身益氣耐老。面白悅長年。鬼食之仙。

張隱庵曰。經云。春三月。此為發陳。茵陳因舊苗而春生。益因冬令水寒之氣。而具陽春生發之機。主治風濕寒熱邪氣。得生陽之氣。則外邪自散也。熱結黃疸。得水寒之氣。則內熱自除也。久服則生陽上升。故輕身益氣耐老。因陳而生新。故面白悅長年。鬼乃純陰之物。喜陽春之氣。故白兔食之而成仙。

葉天士曰。茵陳氣平微寒。稟天秋平之寒金水之氣。入手太陰肺金。足太陽寒水膀胱經。味苦無毒。得地南方之火。味入手少陰

心經。氣味俱降。陰也。風為陽邪。濕為陰邪。風濕在太陽。陽邪發熱。陰邪發寒也。其主之者。氣寒清熱。味苦燥濕也。心為君火。火鬱太陰。則肺不能通調水道。下輸膀胱。而熱與濕結矣。太陰乃濕土之經。所以蒸土色。疸於手皮。而成黃疸也。其主之者。苦平可以

清心肺微寒可以解濕熱也。久服則燥勝。所以輕身。平寒清肺。肺主氣。所以益氣。心主血。味苦清心。心清則血充。華面所以耐老。而面白可悅也。心為十二官之主。心安十二官皆安。所以長年也。

天名精氣味甘寒無毒。主治瘀血血瘕欲死。下血止血利小便。久服輕身耐老。

張隱庵曰：鹿乃純陽之獸。得此天名精而復活。蓋稟水天之氣而多陰。經故能治純陽之鹿。主治瘀血血瘕欲死。得水天之精氣。陰中有陽。陽中有陰。故瘀久成瘕之積血。至欲死而可治。亦死而能生之義者。又曰：下血止血者。申明所以能治瘀血血瘕欲死。以其能下積血而復止新血也。水精之氣上合于天。則小便自利。久服則精氣足。故輕身耐老。

鶴龜氣味苦辛有小毒。主治蛇虺蟲。

張隱庵曰：鶴龜得天目之精氣在上。故主殺陰類之蛇虺。

土牛膝又名杜牛膝。氣味苦寒。主治吐血。牙疼。咽喉腫塞。諸骨哽咽。

張隱庵曰：天者陽也。下通水精。水者陰也。陰柔在下。故根名土牛膝。陽剛在上。故苗名活鹿。子名鶴龜。于命名之中。便有陰陽之義。

石龍芻氣味苦微寒無毒。主治心腹邪氣。小便不利。淋閉。風濕。鬼疰。惡毒。久服補虛羸。輕身。耳目聰明。延年。

張隱庵曰：石龍芻氣味苦寒。生於水石之間。得少陰水精之氣化。故以龍名。又龍能行洩其水精也。主治心腹邪氣者。少陰水精之氣上交於心。則心腹之邪氣可治也。小便不利。淋閉者。熱邪下注而病淋濁。氣不下化而仍閉結。皆為小便不利。龍芻能啟水精之氣上交於心。上下相交。則小便自利矣。又少陰神氣外浮。則能取風濕。少陰神氣內藏。則能除鬼疰也。又曰：惡毒者。言鬼疰之病。皆惡毒所為。非癰毒也。久服則水火相濟。故能補虛羸而輕身。精神充足。故耳目聰明而延年。

車前子味氣甘寒無毒。主治氣癰。止痛利水道。通小便。除濕痺。久服輕身耐老。

張隱庵曰：車前草本經名當道。詩名茨菰。乾坤有動靜。夫坤之靜也。翕其動也。關車前好生道傍。雖牛馬踐踏不死。蓋得土氣之用。動而不靜者也。氣癰。膀胱之氣閉也。閉則痛。痛則水道不利。車前得土氣之用。土氣行則水道亦行。而不癰不瘕。則不痛而小便長矣。土氣行則濕邪散。濕邪散則濕痺自除矣。久服土氣升而水氣和。故能輕身耐老。

葉天士曰：車前氣寒。稟天父寒之水氣。入足太陽寒水膀胱經。味甘無毒。得地中正之土味。入足太陰濕土脾經。氣降味和。陰也。膀胱者。州都之官。津液藏焉。氣化能出矣。出氣不化。閉塞下竅。而為癰閉。其主之者。寒能化熱。甘能化氣也。小便者。心火之去路。

也。火結於膀胱則小便痛矣。其止痛者氣寒能清火也。飲入于胃。游溢精氣。上輸於脾。脾氣散精。上歸於肺。肺乃下輸膀胱。車前味甘。甘能益脾。脾氣散精。則滯氣通行。故水道通。小便利也。益脾利水。則濕下逐。故又除濕痺也。久服輕身耐老者。指有病者而言也。人身有濕。則身重。濕透則身輕。濕透脾健。脾主統血。血充故耐老也。不然滑泄之品。豈堪久服者哉。

神仙服食經云。車前雷之精也。震為雷。為長男。詩云。采芣苢。亦欲妊娠而生男也。

冬菰子氣味甘寒滑無毒。主治五藏六府寒熱。羸瘦五癰。利小便。久服堅骨長肌肉。輕身延年。

張隱庵曰。葵花開五色。四季長生。得生長化收藏之五氣。故治五藏六府之寒熱羸瘦。冬菰子。覆養過冬。氣味甘寒而滑。故治五癰。夫膀胱不利為癰。五為土。數土不運行。則水道閉塞。故曰五癰。治五癰則小便自利。久服堅骨。得少陰之氣也。長肌肉得太陰之氣也。堅骨長肌。故輕身延年。

地膚子氣味苦寒無毒。主治膀胱熱利小便。補中益精氣。久服耳目聰明。輕身耐老。

葉天士曰。地膚子氣味苦寒。稟太陽寒水之氣。化故主治膀胱之熱。而利小便。膀胱位居胞中。故補中而益水之精氣。久服則津液滋灌。故耳目聰明。輕身耐老。虞博醫學正傳云。博兄年七十。秋間患淋。二十餘日。百方不效。後得一方。取地膚草搗自然汁服之。遂通。至賤之物。有回生之功。如此。是苗葉亦有功也。

決明子氣味鹹平無毒。主治青盲。目淫。膚赤。白膜。眼赤。淚出。久服益精光。輕身。

張隱庵曰。目者肝之竅。決明氣味鹹平。葉司開闔。子色紫黑色。亮。稟太陽寒水之氣。而生厥陰之肝木。故主之。青盲目淫。膚赤。青盲則生白膜。膚赤乃眼膚之赤。目淫則多淚。故又曰白膜。眼赤淚出也。久服則水精充溢。故益精光。輕身。

芡薢子氣味辛甘微溫無毒。主明目。益精。除水氣。久服輕身。

張隱庵曰。芡薢莖葉甘寒。子辛溫。本經辛甘微溫。概苗實而言也。莖方子黑。喜生濕地。稟水土之氣。化。明目益精。得水氣也。除水氣。土氣盛也。久服則精氣充。薢故輕身。

葉天士曰。芡薢子氣微溫。稟天初春之木氣。入足厥陰肝經。味辛甘無毒。得地金土之味。入手太陰肺經。足太陰脾經。氣味俱升。陽也。肝為藏血之藏。脾為統血之藏。辛甘益血。目得血則能視。所以明目。脾者陰氣之原也。肺者津液之原也。甘辛能潤。所以益精。脾者為胃行津液者也。肺者相傳之官。通調水道者也。辛甘益脾。肺則津液行而水道通。所以除水氣。久服益肝脾肺。肺主周身之氣。脾主周身之血。肝為生生之藏。以生氣。血氣血生。生長旺。自然輕身矣。

陳修園曰。今人奉為女科專藥。往往誤事。且其獨具之長反掩。

芡蔚莖葉花穗氣味甘寒微苦。主。治。隱。疹。可。作。浴。湯。

張隱庵曰。詩言中谷有維。燠其乾矣。益母草得水濕之精。能耐旱燠。滋養皮膚。故主。治。隱。疹。可。作。浴。湯。芡蔚子明目益精而補腎。後除水氣以健脾。故有芡蔚之名。益母草清熱而解毒涼血以安胎。故有益母之名。

葉天士曰。芡蔚莖主。癰。瘡。癰。所以。可。浴。肥。也。

丹砂氣味甘。微寒無毒。主。治。身。體。五。藏。百。病。養。精。神。安。魂。魄。益。氣。明。目。殺。精。魅。邪。惡。鬼。久。服。通。神。明。不。老。能。化。為。汞。

張隱庵曰。水銀出於丹砂之中。精氣內藏。水之精也。色赤體堅。象合離。明火之精也。氣味甘寒。生于土石之中。乃資中土而得水。火之精氣。主。治。身。體。五。藏。百。病。者。五。藏。之。氣。內。歸。坤。土。外。合。周。身。丹。砂。從。中。土。而。達。五。藏。之。氣。出。於。身。體。則。百。病。咸。除。養。精。神。者。養。腎。藏。之。精。心。藏。之。神。而。上。下。水。火。相。交。矣。安。魂。魄。者。安。肝。藏。之。魂。肺。藏。之。魄。而。內。外。氣。血。調。和。矣。調。和。其。氣。故。益。氣。調。和。其。血。故。明。目。上。下。水。火。相。交。則。精。魅。之。怪。邪。惡。之。鬼。自。消。殺。矣。久。服。則。靈。氣。充。盛。故。神。明。不。老。內。丹。可。成。故。能。化。為。汞。

葉天士曰。丹砂氣微寒。稟天初冬寒水之氣。入足少陰腎經。味甘無毒。得地中正之土味。入足太陰脾經。色赤而生水銀。入手少陰心經。蓋心乃火藏而藏陰者也。氣味降多于升。質重味薄。陰也。心腎者。人身之水火也。天地之用在於水火。水火安。則。人。身。之。天。地。位。矣。丹。砂。色。赤。質。重。可。以。鎮。心。火。氣。寒。可。以。益。腎。水。水。升。火。降。心。腎。相。交。身。體。五。藏。之。病。皆。愈。也。心。者。生。之。本。神。之。居。也。腎。者。氣。之。源。精。之。處。也。心。腎。安。則。精。神。交。相。養。矣。隨。神。往。來。者。謂。之。魂。並。精。出。入。者。謂。之。魄。精。神。交。養。則。魂。魄。自。安。味。甘。益。脾。脾。為。後。天。氣。者。得。于。天。充。於。穀。後。天。納。穀。所。以。益。氣。心。病。多。舍。于。肝。心。火。不。炎。則。肝。血。上。奉。故。又。明。目。也。色。赤。具。南。方。陽。明。之。色。陽。明。能。辟。陰。幽。所。以。殺。精。魅。邪。惡。鬼。也。久。服。通。神。明。不。老。者。心。之。所。藏。者。神。明。久。服。丹。砂。則。心。火。清。火。清。則。血。充。故。虛。靈。不。昧。光。彩。華。面。也。

陳修園曰。丹砂氣微寒。入腎。味甘無毒。入脾。色赤入心。主。身。體。五。藏。百。病。皆。可。用。而。無。顧。忌。也。氣。者。得。之。先。天。全。賴。後。天。之。穀。氣。而。昌。丹。砂。味。甘。補。脾。所。以。益。氣。明。目。者。以。石。藥。凝。金。之。氣。金。能。鑒。物。亦。色。得。火。之。象。火。能。燭。物。也。殺。精。魅。邪。惡。鬼。者。具。天。地。純。陽。之。正。色。陽。明。勝。陰。正。能。勝。邪。也。久。服。通。神。明。不。老。者。明。其。水。升。火。降。之。效。也。

雲母氣味甘平無毒。主。治。身。皮。死。肌。中。風。寒。熱。如。在。車。船。上。除。邪。氣。安。五。藏。益。子。精。明。目。久。服。輕。身。延。年。

張隱庵曰。今時用陽起石者有之。用雲母者甚鮮。故但存本經原文。不加詮釋。後凡存本經而不詮釋者。義俱倣此。

赤石脂氣味甘平無毒主治黃疸洩痢腸澼膿血陰蝕下血赤白邪氣癰腫疔瘡惡瘡頭瘍疥癩久服補髓益氣肥健不飢輕身延年五色石脂各隨五色補五藏

張隱庵曰石脂乃石中之脂為少陰腎藏之藥又色赤象心甘平屬土主治黃疸洩痢腸澼膿血者脾土留濕則外疸黃而內洩痢甚則腸澼膿血石脂得太陰之土氣故可治也陰蝕下血赤白邪氣癰腫疔瘡者少陰藏寒不得君火之陽熱以相濟致陰蝕而為下血赤白邪氣癰腫而為疔瘡石脂色赤得少陰之火氣故可治也惡瘡頭瘍疥癩者少陰火熱不得腎藏之水氣以相滋致火熱上炎而為惡瘡之頭瘍疥癩石脂生於石中得少陰水精之氣故可治也久服脂液內生氣血充盛故補髓益氣補髓助精也益氣助神也精神交會于中土則肥健不飢而輕身延年本經概言五色石脂故曰各隨五色補五藏

葉天士曰赤石脂氣大溫稟夫春夏水之火氣入足厥陰肝經手厥陰心包絡經味甘酸辛無毒得地中東西土水金之味入足陽明燥金胃土手陽明燥金大腸氣味升多子降陽也心包絡者臣使之官喜樂出焉代心君行事之府也石脂氣味酸溫則條暢心包絡而心君之氣得所養矣肝開竅于目辛溫疎達則肝和而目明精者五藏陰氣之華也甘酸之味可以益陰所以益精而補髓也腹者太陰經行之地太陰為濕土土濕而寒則痛石脂氣溫溫能行寒去濕所以主之也胃與大腸為陽明燥金陽虛不燥則腸澼下痢石脂辛溫收濕故主下痢及小便利蓋滋可以固脫也諸痛痒瘡瘍皆屬心火火有虛實實火可瀉虛火可補心包絡代君行事其氣味酸溫可補心包絡之火也肝藏血肝血不藏則崩中漏下產難包衣不出矣味甘酸可以藏血氣溫可以達肝氣所以主之也久服補益陽明陽明經行于面所以好顏色腎為藏而藏智酸收益陰所以益智陽明胃氣充化所以不肌而延年也

陳修園曰赤石脂氣平稟金氣味甘得土味手足太陰藥也太陰濕勝在皮膚則為黃疸在腸胃則為洩痢甚則為腸澼膿血下注于前陰則為陰蝕並見赤濁白帶下注于後陰則為下血皆濕邪之氣為害也石脂具濕土之質而有燥金之用所以主之難腫疸痔惡瘡頭瘍疥癩等症皆濕氣鬱而為熱熱盛生毒之患石脂能燥濕化熱所以主之久服補髓益氣肥健不飢延年者濕去則津生自能補髓益氣補髓助精也補氣助神也精神交會于中土故有肥健不飢輕身延年之效也

滑石氣味甘寒無毒主治身熱洩瀉女子乳難癰閉利小便澇胃中積聚寒熱益精氣久服輕身耐飢長年

張隱庵曰滑石味甘屬土氣寒屬水色白屬金主治身熱洩瀉者稟水氣而清外內之熱也熱在外則身熱熱在內則洩瀉也女子乳難者稟金氣而生中焦之汁乳生中焦亦水類也治癰閉稟土氣而化水道之出也利小便所以治癰閉也澇胃中積聚寒

熱所以治身熱洩瀉也。益精氣所以治乳難也。久服則土生金。而金生水。故輕身耐飢長年。

葉天士曰。消石氣寒。稟天冬寒之水氣。入足太陽寒水膀胱經。手太陽寒水小腸經。味甘無毒。得地中正之土味。入足太陰脾經。氣味降多子升陰也。其身熱腸澀者。蓋太陽行身之表。為諸經主氣者也。暑傷太陽。則氣化失職。水穀不分。身熱洩利腸澀矣。消石甘以益氣寒以清暑。所以主之也。其主女子乳難者。乳汁不通也。其寒有益脾土。脾濕行則脾血化乳也。膀胱熱則澀閉。甘寒滑滲。故主澀閉而利小便也。脾者為胃行其津液者也。脾濕則困。不行胃中津液。渣穢則積聚于胃。而寒熱生焉。消石入膀胱利小便。則濕去脾健。而胃中積聚皆行也。益精者。消石入小腸。則心火有去路。火不剋金。久服濕行脾健。所以輕身耐飢。脾為後天脾旺。穀充自然長年也。

陳修園曰。按消石氣寒。得寒水之氣。入手足太陽。味甘入夫太陰。且其色白。兼入手太陰所主諸病。皆清熱利水之功也。益精延年。言其性之循。不比他種石藥。偏之為害也。讀者勿疑。

消石氣味苦寒無毒。主治五藏積熱。胃脹閉。將去蓄結飲食。推陳致新。除邪氣。煉之如膏。久服輕身。

張隱庵曰。消石乃冬時地上所生白霜氣味苦寒。稟少陰太陽之氣化。蓋少陰屬冬令之水。太陽主六氣之終。遇火能燄者。少陰上有君火。太陽外有標陽也。主治五藏積熱。胃脹閉者。言積熱在藏。致胃府之氣脹閉不通。消石稟水寒之氣。而治藏熱。具火燄之性。而消胃脹也。將去蓄結飲食。則胃府之脹閉自除。推陳致新。除邪氣。則五藏之積熱自散。煉之如膏。得陰氣之體。故久服輕身。

消石朴消。皆味鹹性寒。本經言寒苦。初時則鹹極而苦。提過則轉苦為鹹矣。

葉天士曰。消石氣寒。稟天冬寒之水氣。入手太陽寒水小腸經。味苦無毒。得地南方之火味。入手少陽相火三焦經。氣味俱降。陰也。其主五藏積熱。胃脹閉者。五藏本為藏陰之經。陰枯則燥。而火就之。則熱積于藏。而陽偏盛矣。陽者胃膀胱之陽。陽偏盛。故胃脹而閉塞也。其主之者。消石入三焦。苦寒下洩。水穀之道。路通而脹者平。以小腸為受盛之官。化物出焉。之府。小腸燥熱。則物受而不化。飲食蓄積于腸矣。消石入太陽寒水。下洩。鹹以與堅。則陳者下而新者可進也。除邪氣者。苦寒治燥熱之邪氣也。煉之如膏。久服則輕身者。指三焦小腸有熱積者言也。蓋積去身自輕也。

陳修園曰。雪花六出。元精石六稜六數為陰。乃水之成數也。消石朴消。面上生芽如圭角。作六稜。乃感地水之氣結成。而稟寒水之氣化。是以形類相同。但消石遇火能煇。兼得水中之天氣。朴消止稟地水之精。不得天氣。故遇火不煇也。所以不同者如此。

朴硝氣味苦寒無毒主治百病除寒氣邪氣逐六府之積聚結固留癖能化七十二種石煉餌服之輕身神仙

張隱庵曰朴消稟太陽寒水之氣化夫太陽之氣本于水府外行通體之皮毛從胸膈而入于中土主治百病寒熱邪氣者外行于通體之皮毛也外感百病雖多不越寒熱之邪氣則外感之百病皆治矣逐六府積聚結固留癖者從胸膈而入于中土也太陰之氣入于中土則天氣下交於地凡六府積聚結固留癖可逐矣能化七十二種石者朴消味鹹能與堅也天一生水煉餌服之得先天之精氣故輕身神仙

礬石氣味酸寒無毒主治寒熱洩利白沃陰蝕惡瘡目痛堅骨齒煉而服之輕身不老增年

張隱庵曰礬石以水煎石而成光亮體重酸寒而濡是重水石之專精能肅清其穢濁主治寒熱洩利白沃者謂或因于寒或因于熱而為洩利白沃之證礬石清滌腸胃故可治也陰蝕惡瘡者言陰盛生蟲飢肉如蝕而為惡瘡之證礬石酸清殺蟲故可治也以水煎石其色光明其性本寒故治目痛以水煎石凝結成礬其質如石故堅骨齒煉而餌服得石中之精補養精氣故輕身不老增年

石膽氣味酸辛寒有小毒主明目治目痛金瘡諸癰瘰女子陰蝕痛石淋寒熱崩中下血諸邪毒氣令人有子煉餌服之不老久服增壽神仙

張隱庵曰石膽氣味酸辛而寒酸木也辛金也寒水也稟金水木相生之氣化惟稟金水故主明目治目痛稟金氣故治金瘡諸癰瘰謂金瘡受風變癰瘰也稟木氣故治女子陰蝕痛謂土濕潰爛女子陰戶如蟲嚙缺傷而痛也金生水而水生木故治石淋寒熱崩中下血諸邪毒氣令人有子水生木也煉餌服之不老久服增壽神仙得石中之精也

石鍾乳氣味甘溫無毒主治效逆上氣明目益精安五藏通百節利九竅下乳汁

張隱庵曰石鍾乳乃石之津液融結而成氣味甘溫主滋中焦之汁上輸於肺故治效逆上氣中焦取汁奉心化赤而為血故明目流溢於中而為精故益精精氣盛則五藏和故安五藏血氣盛則百節和故通百節津液濡於空竅則九竅自利滋于經脉則乳汁自下

禹餘糧氣味甘寒無毒主治效逆寒熱煩滿下利赤白血閉癰瘕大熱煉餌服之輕身延年

張隱庵曰仲祖傷寒論云汗家重發汗必恍惚心亂小便已寒疼宜禹餘糧丸全方失傳世亦罕用陳修園曰禹餘糧主效逆補中降氣不使上逆治寒熱者降脾胃濕滯之寒熱非謂可以通治寒熱也治煩滿者性寒除熱即可

以止煩質重降逆即可以瀉滿也。下利赤白。除濕熱之功。血閉癰瘕。消濕熱所滯之痰積。大熱熱在陽明者。熱必甚。此能除之。煉餌服之不飢。其質類穀粉而補脾土。所以謂之糧而充飢也。輕身延年。補養後天之功。

太一餘糧氣味甘平無毒。主治效逆上氣癰瘕血閉漏下。除邪氣肢節不利。久服耐寒暑不飢。輕身飛行千里神仙。

陳藏器曰。太一。一道也。大道之師。即理化神君禹之師也。師嘗服之。故有太一之名。○陶宏景曰。本草有太一餘糧。禹餘糧兩種。治體相同。而今世惟有禹餘糧不復識太一矣。○李時珍曰。生池澤者為禹餘糧。生山谷者為太一餘糧。本是一物。晉宋以來不分山谷池澤。通呼為太一。禹餘糧義可知矣。

空青氣味甘酸寒無毒。主治青盲耳聾。明目利九竅。通血脈。養精神。益肝氣。久服輕身延年。

紫石英氣味甘溫無毒。主治心腹效逆邪氣。補不足。女子風寒在子宮。絕孕十年無子。久服溫中輕身延年。

葉天士曰。紫石英氣溫。稟天春和之木氣。入足厥陰肝經。味甘無毒。得地中正之土味。入足太陰脾經。氣味俱升。陽也。心腹者。足太陰行經之地。脾虛不能生肺。肺失下降之令。則邪氣上逆而效矣。紫石英味甘質重。益脾土而降氣逆。所以主效也。補不足者。氣溫補肝氣之不足。味甘補脾陰之不足也。厥陰之脈結於陰氣子宮。亦痛。肝經肝為兩陰交盡之經。風木之府。風寒在子宮。則肝血不藏。脾血亦不統。不能孕而生育矣。脾土之成數十。所以十年無子也。紫石英氣溫可以散子宮之風寒。味甘可以益肝脾之血也。中者。中州脾土也。久服甘溫益脾。所以溫中。肝木條達。脾土健運。所以輕身延年也。

陳修園曰。紫石英氣溫。稟木氣而入肝。味甘無毒。得土味而入脾。效逆邪氣者。以心腹為脾之部位。人之呼吸。出心肺而入肝腎。脾居中而轉運。何效逆之有。惟脾虛受肝邪之侮。不能下轉而上衝。故為是病。其主之者。溫能散邪。甘能和中。而其質又重。而能降也。補不足者。氣味溫甘。補肝脾之不足也。風寒入于子宮。則肝血不藏。脾血亦不統。往往不能生育。紫石英氣溫可以散子宮之風寒。味甘可以益肝脾之血也。久服溫中輕身延年者。誇其補血納氣之功也。

白石英氣味甘溫無毒。主治消渴陰痿不足。效逆胸膈間久寒。益氣除風濕痺。久服輕身長年。

陳修園曰。紫石英治略同。但紫色屬陰。主治衝脈血海功多在下。白為金色。主治消渴。兼理上焦之燥。

龍骨氣味甘平無毒。主治心腹鬼疰。精物老魅。效逆漫利膿血。女子漏下。癰瘕堅結。小兒熱氣驚癇。

張隱庵曰。鱗蟲三百六十。而龍為之長。皆有八十一鱗。具九九之數。上應東方之宿。得冬月蟄藏之精。從泉下而上於天。乃從陰出陽而上。自下之藥也。主治心腹鬼疰。精物老魅者。水中天氣上交於陽。則心腹和平。而鬼疰精魅之陰類自消矣。效逆者。天氣

不降也。洩痢膿血者，土氣不藏也。女子漏下者，水氣不升也。龍骨散泉下之水精，從地土而上騰矣。天則陰陽交會，上下相和，故效逆洩痢漏下皆可治也。土氣內藏，則癥瘕堅結自除。水氣上升，則小兒熱氣驚癇自散。不言久服，或簡脫也。

葉天士曰：龍骨氣平，稟天秋收之金氣，入手太陰肺經，味甘無毒，得地中正之土位，入足太陰脾經，龍為東方之神，鱗蟲之長，神靈之骨，入足厥陰肝經，氣味降多於升，陰也。腹太陰行經之地也。太陰脾土上升，則肺氣下降，位一身之天地，而一切鬼疰精魅不能犯之矣。龍骨氣平益肺，肺平則下降，味甘益脾，脾和則上升，升降和而天地位焉。所以祛鬼疰精物老魅也。效逆者，肝火炎上而乘肺也。洩痢膿血者，清氣下陷也。女子漏下，肝血不藏也。龍骨味甘可以緩肝火，氣溫可以達清氣，甘平可以藏肝血也。脾統血，癥瘕堅結，脾血不運而凝結也。氣溫能行，可以散結也。小兒熱氣驚癇，心火盛舍肝而驚癇也。驚者平之，龍骨氣平，所以可平驚也。

陳修園曰：龍得天地純陽之氣，凡心腹鬼疰精物皆屬陰氣作祟，陽能制陰也。肝屬木而得東方之氣，肝火乘於上，則為效逆，奔于下，則為洩痢膿血。女子漏下，龍骨斂戢肝火，故皆治之。且其用變化莫測，雖癥瘕堅結難療，亦穿入而攻破之。至於驚癇顛癲，皆肝氣上逆挾痰而歸迷入心，龍骨能斂火安神，逐痰降逆，故為驚癇顛癲之聖藥。仲景風引湯必是熟讀本經，從此一味悟出全方，而神變妙化亦如龍之莫測。余今詳註此品，復為之點睛，欲飛矣。○痰水也，隨火而升，龍屬陽而潛于海，能引逆上之火，泛濫之水而歸其宅，若與牡蠣同用為治痰之神品。今人只知其性瀉以止脫，何其淺也。

鹿茸氣味甘溫無毒，主治漏下惡血，寒熱驚癇，益氣強志，生齒不老。

張隱庵曰：鹿性純陽，息通督脈，茸乃骨精之餘，從陰透頂，氣味甘溫，有火土相生之義。主治漏下惡血者，生氣虛寒，則惡血下漏。鹿茸稟火氣而生土，從陰出陽下者，舉之而惡血不漏矣。寒熱驚癇者，心為陽中之太陽，陽虛則寒，熱心為君主而藏神，神虛則驚癇。鹿茸陽剛漸長，心神充足而寒熱驚癇自除矣。益氣強志者，益腎藏之氣，強腎藏之志也。生齒不老者，齒為骨之餘，從其類而補之，則腎精日益，故不老。

葉天士曰：鹿茸氣溫，稟天春升之木氣，入足厥陰肝經，味甘無毒，得地中正之土味，入足太陰脾經，氣味俱升。陽也。肝藏血，脾統血，肝血不藏則脾血不統，漏下惡血矣。鹿茸氣溫可以達肝，味甘可以扶脾，所以主之也。寒熱驚癇者，驚癇而發寒熱也。蓋肝為將軍之官，肝血虛則肝氣亢，挾濁火上逆，或驚或癇矣。鹿茸味甘可以養血，氣溫可以導火，所以止驚癇之寒熱也。益氣者，氣溫則益陽，氣味甘則益陰氣也。甘溫益陰陽之氣，氣得剛大而志強矣。鹿茸骨屬也，齒者骨之餘也。甘溫之味主生長，所以生齒真。

氣充足。氣血滋盛。所以不老也。

陳修園曰。鹿為仙獸而多壽。其卧則口鼻對尾間。以通督脉。督脉為通身骨節之主。腎主骨。故又能補腎。腎得其補。則大氣升舉。惡血不漏。以督脉為陽氣之總督也。然用中皆血所貫衝。為血海。其大補衝脉可知也。凡驚癇之病。皆挾衝脉而作。陰氣虛不能寧謐于內。則附陽而上升。故上熱而下寒。陽氣虛不能周衛於身。則隨陰而下陷。故下熱而上寒。鹿茸入衝脉而大補其血。所以能治寒熱驚癇也。至于長而為角。別錄謂其主惡瘡。逐惡氣。以一點胚血發洩已盡。只有拓毒消散之功也。

鹿角膠。氣味甘平。無毒。主治傷中勞絕。腰痛。羸瘦。補中益氣。婦人血閉。無子。止痛。安胎。久服輕身延年。

張隱庵曰。鹿茸形如萌粟。有初陽方生之意。鹿角形如劍戟。具陽剛堅銳之體。水熬成膠。故氣味甘平。不若鹿茸之甘溫也。主治傷中勞絕者。中氣因七情而傷。經脉因勞頓而絕。鹿膠甘平滋潤。故能治也。治腰痛羸瘦者。鹿運督脉。則腰痛可治矣。膠能益髓。則羸瘦可治矣。補中者。補中焦。益氣者。益腎氣也。治婦人血閉無子者。鹿性純陽。角具堅剛。膠質潤下。故能啟生陽。行於積和經脉。而孕子也。止痛安胎者。更和經脉而生子也。久服則益陰助陽。故輕身延年。

葉天士曰。鹿角膠。氣平。真天秋收之金氣。入手太陰肺。金味甘。無毒。得地中正之土味。入足太陰脾。經氣味降。多子升。質滋味厚。陰也。中者。脾土也。傷中勞絕者。脾虛之人。而作勞以傷真氣。脾為陰氣之源。源枯而陰絕也。其主之者。味甘益脾陰也。腰痛羸瘦者。脾為陰氣之源。而外合人身之肌肉。脾陰虛則腎陰亦虛。故腰痛而肌肉瘦削也。其主之者。味甘可以補脾氣。平可以益肺滋腎也。補中者。補脾中氣也。益氣者。肺主氣。氣平可益肺也。脾統血。女子血閉。無子。脾血不統也。味甘益脾陰。所以主之。脾血少則燥而痛矣。味甘養血。所以止痛。血足則胎安。故又安胎也。久服輕身延年者。鹿角膠。氣平。益肺。肺主氣。氣充則身輕。味甘益脾。脾統血。血足則穀納而延年也。又名白膠。

陳修園曰。白膠。即鹿角煎熬成膠。何以本經白膠列為上品。鹿茸列為中品乎。蓋鹿茸溫補過峻。不如白膠之甘平足貴也。功用略同。不必再釋。其主婦人血閉。止痛安胎者。皆補衝脉血海之功也。輕身延年者。精足血滿之效也。

鹿角氣味鹹溫。無毒。主治惡瘡癰腫。逐邪惡氣。留血在陰中。除少腹血痛。腰痛。脊痛。折傷。惡血。益氣。

張隱庵曰。鹿角功力與茸角相等。而攻毒破洩。行於逐邪之功居多。較茸膠又稍銳矣。

牛黃氣味苦平。有小毒。主治驚癇。寒熱。風狂。瘧疾。除邪逐鬼。

張隱庵曰。牛黃。胆之精也。牛之有黃。猶狗之有寶。蚌之有珠。皆受日月之精華始成。無令見日月光者。恐復奪其精華也。牛屬坤

上膽具精汁稟性皆陰故氣味苦平而有陰寒之小毒。主治驚癇寒熱者。得日月之精而通心主之神也。治熱盛狂瘵者。稟中精之汁而清三陽之熱也。除邪者。除熱邪受月之華日以應水也。逐鬼者。逐陰邪受日之精日以應火也。牛黃有毒不可久服。故不言也。

李東垣曰。中風入藏始用牛黃。更配腦麝。從骨髓透肌膚。以引風出。若風中于府及中經脉也。早用牛黃。反引風邪入于骨髓。如油入麵不能出矣。愚謂風邪入藏皆為死證。雖有牛黃用之何益。且牛黃主治心家風熱狂煩之證。何曾入骨髓而治骨病乎。腦麝從骨髓透肌膚以引風出。是辛竅透發之藥。風入於藏藏氣先虛。反配腦麝。豈不使藏氣益虛而真氣外洩乎。如風中于府及中經脉。正可合腦麝而引風外出。又何致如油入麵而難出耶。東垣好為臆說。後人不能參閱聖經。從而信之。致臨病用藥。畏首畏尾。六府經脉之病。留而不去。次入于藏。便成不救。斯時用牛黃腦麝。未見其能生也。李氏之說。恐貽千百世之禍。患故不得不明辯極言以救其失。

阿膠氣味甘平無毒。主治心腹內崩。勞極。酒洒如瘧狀。腰腹痛。四肢痠痛。女子下血。安胎。久服輕身益氣。

張隱庵曰。阿膠乃滋補心脾之藥也。心合濟水。其水清重。其性趨下。主清心主之熱。而下灸于陰肺。合皮毛。驢皮主導肺氣之虛。而內入于肌。又驢為馬屬火之畜也。必用為驢。乃水火相濟之義。崩墮也。心腹內崩者。心包之血不散。經脉下入于腹而崩墮也。阿膠益心主之血。故主心腹內崩。勞極。勞頓之極也。酒洒如瘧狀者。勞極氣虛。皮毛洒洒如瘧狀之先寒。阿膠益肺主之氣。故治勞極。酒洒如瘧狀。夫勞極則腰腹痛。酒洒如瘧狀。則四肢痠痛。心腹內崩。則女子下血也。心主血。肺主氣。氣血調和。則胎自安矣。滋補心脾。故久服輕身益氣。

葉天士曰。阿膠氣平。稟天秋收之金氣。入手太陰肺經。味甘無毒。得地中正之土味。入足太陰脾經。氣味降多。子升。色黑質潤。陰也。心腹者。太陰行經之地也。內崩。勞極者。脾血不統。內崩而勞極也。陰者中之字。陰虛則內氣餒而酒洒惡寒。如瘧狀也。其主之者。味甘可以益脾陰也。腰腹皆藏陰之處。陰虛則空痛。阿膠色黑。益陰。所以止痛。四肢脾主之痠痛者。血不養筋也。味甘益脾。脾統血。四肢之疼。自安。女子下血。脾血不統也。味甘以統脾血。血自止也。安胎者。亦養血之功也。久服輕身益氣者。氣平益肺主氣。氣足身輕也。

陳修園曰。阿膠以阿井之水。入黑驢皮煎煉成膠也。內經云。手少陰外合于濟水。內合于心。故能入心。又云。毛皮者。肺之合也。以皮煎膠。故能入肺。味甘無毒。得地中正之土氣。故能入脾。凡心包之血不能散行經脉。下入于腹。則為崩墮。阿膠入心補血。故能

治之。勞極氣虛皮毛洒洒如癘狀之先寒。阿膠入肺補氣。故能治之。脾為後天生血之本。脾虛則陰血內枯。腰腹空痛。四肢痠疼。阿膠補養血脾陰。故能治之。且血得脾以統。所以有治女子下血之效。胎以血為養。所以有安胎之效。血足氣亦充。所以有輕身益氣之效也。

麝香氣味辛溫無毒。主辟惡氣。殺鬼精物。去三蟲蠱毒。溫瘧驚癇。久服除邪。不夢寢驚寐。

張隱庵曰。凡香皆生於草木。而麝香獨出于精血香之神異者也。氣味辛溫散行。主辟惡氣者。其香也。殺鬼精物。去三蟲蠱毒者。辛溫香烈。從內透發。而陰類自消也。溫瘧者。先熱後寒。病藏于腎。屬則香于腎。故治溫瘧驚癇者。心氣昏迷。疫涎壅滯。麝香辛溫通竅。故治驚癇。久服則肝藏機關通利。故除邪。不夢寢驚寐。

陳修園曰。麝香食柏葉香。草及蛇蟲其香在臍為諸香之冠。香者天地之正氣也。故能辟惡而段毒。香能通達經絡。故能逐心竅凝痰。而治驚癇。驅募原邪氣以治溫瘧。而驚寐之證。當熟寤之。頃心氣閉塞。而成麝香之香氣。最感令閉者。不開塞者。不塞則無此患矣。孕婦忌之。

龜甲氣味甘平無毒。主治漏下赤白。破癥瘕瘕瘕。五痔陰蝕。濕痺。四肢重弱。小兒顛不合。久服輕身不飢。

張隱庵曰。介蟲三百六十而龜為之長。通形象離其神在坎。首入于腹。腸屬于首。是陽氣下歸于陰。復通陰氣上行之藥也。主治漏下赤白者。通陰氣而上行也。破癥瘕瘕瘕者。介蟲屬金。能攻堅也。瘕瘕陰瘕也。陽氣歸陰。則陰寒之氣自除。故治瘕瘕五痔陰蝕者。五痔潰爛。缺傷如陰蝕之蝕也。陽入于陰。則陰蟲有散腸屬于首。則下者能舉。故五痔陰蝕可治也。濕痺四肢重弱。者因濕成痺。以致四肢重弱。龜居水中。性能勝濕。甲屬甲冑。質主堅強。故濕痺而四肢之重弱可治也。小兒顛不合者。先天闕陷。腎氣不充也。龜藏神于陰。復使陰出于陽。故能合顛。久服則陰平陽秘。故輕身不飢。○本經只說龜甲。後人以甲熬膠。功用相同。其質精滯。甲性堅勁。膠性柔潤。學者以意會之。而分用焉可也。

葉天士曰。龜甲氣平。稟天秋收之金氣。入手太陰肺經。味甘。得地中正之土氣。入足太陰脾經。北方之神。介蟲之長。性復有毒。稟陰寒之性也。入足少陰腎經。氣味降多升。陰也。脾統血。脾血不統。則漏下赤白。其主之者。味甘益脾也。瘕而至于有瘕。瘕濕熱之邪已痼。結陰分矣。龜甲陰寒。可以清熱氣平。可以利濕。所以主之也。火結大腸。則生五痔濕濁。下注則患陰蝕。肺合大腸。腎主陰戶。性寒可去熱氣。平可消濕。所以主之也。脾主四肢。濕勝則重弱。龜甲味甘益脾。氣平去濕。濕行。四肢健也。將主骨。小兒腎虛。則顛。骨不合其主之者。補腎陰也。久服益腎。腎者胃之關。關門利能去脾濕。所以輕身不飢也。